

բնակվող՝ որևէ անասնատեսակ չտնօրինող ընտանիքը այդ մասին հայտնում է (հայտարարություն է տալիս)՝ նշում կատարելով տեղեկանք-հայտարարագրի համապատասխան բաժնում:»:

2. Հայաստանի Հանրապետության կառավարության 2006 թվականի հունվարի 12-ի «Ընտանեկան նպաստ և միանվագ դրամական օգնություն նշանակման և վճարման կարգը հաստատելու մասին» N 110-Ն որոշման հավելվածի.

1) 6.1 կետը լրացնել նոր պարբերությամբ հետևյալ բովանդակությամբ.

«Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի աշխատակազմի համապատասխան տարածքային ստորաբաժանում գործակալության ներկայացրած հարցման օրը համարվում է ընտանիքի (ըստ ընտանիքի անդամների) պատկանող (ամբողջ հանրապետությունում) հողամասի հողատեսքի, դրա կադաստրային զուտ եկամուտի և հողատարածքի մակերեսի մասին տեղեկանքի ներկայացման օր:»:

2) 9-րդ կետը «տեղեկատվությունը» բառից հետո լրացնել «(այդ թվում՝ տեղեկանք-հայտարարագրում լրացված տվյալների հիման վրա հաշվարկված՝ ընտանիքի հողօգտագործումից ստացվող եկամուտը)» բառերով.

3) 9.1-րդ կետը «տվյալները» բառից հետո լրացնել «համեմատում է տեղեկատվական բազայում առկա տվյալների հետ, և անհամապատասխանության դեպքում դրանք» բառերով.

4) 9.1-րդ կետը լրացնել նոր պարբերությամբ հետևյալ բովանդակությամբ.

«Գործակալության տվյալ տարածքն սպասարկող աշխատողը տեղեկանք-հայտարարագրում լրացված և սույն կարգի 6.1-րդ կետով սահմանված կարգով ստացված տեղեկանքում առկա տվյալների անհամապատասխանության հայտնաբերման դեպքում գրավոր տեղեկացնում է գործակալության պետին: Գործակալության պետը եռօրյա ժամկետում տվյալ ընտանիքի ընտանեկան նպաստի իրավունքը դիտարկում է «Պետական նպաստների մասին» Հայաստանի Հանրապետության օրենքի 19-րդ և 25-րդ հոդվածների համաձայն:»:

3. Ընտանիքների անապահովության գնահատման համակարգում հաշվառված այն ընտանիքների համար, որոնց՝ «Պետական նպաստների մասին» Հայաստանի Հանրապետության օրենքի 9-րդ հոդվածի 4-րդ մասով սահմանված փաստագրման ժամկետը լրանում է 2011 թվականի հունվար կամ փետրվար ամիսների ընթացքում՝ փաստագրման ժամկետ և Հայաստանի Հանրապետության կառավարության 2005 թվականի դեկտեմբերի 29-ի «Ընտանիքների անապահովության գնահատման և ընտանիքների անապահովության գնահատման համակարգի տեղեկատվական բազայում ամրագրված անհատական տվյալների պաշտպանության, փոփոխությունների կատարման և Հայաստանի Հանրապետության աշխատանքի և սոցիալական հարցերի նախարարության ու սոցիալական ծառայությունների տարածքային գործակալությունների միջև անհատական տվյալների փոխանակման կարգերը հաստատելու մասին» N 2317-Ն որոշման N

2 հավելվածի 24-րդ կետով նախատեսված ժամկետ սահմանել համապատասխանաբար 2011 թվականի փետրվարի 11-ը և մարտի 11-ը:

4. Հայաստանի Հանրապետության աշխատանքի և սոցիալական հարցերի նախարարին՝ ընտանիքների անապահովության գնահատման համակարգի կենտրոնական տեղեկատվական բազան շահագործող կազմակերպության միջոցով 2011 թվականի փետրվար ամսվա ընտանեկան նպաստի և հրատապ օգնության վճարման ցուցակները կազմելիս ընտանեկան նպաստի և հրատապ օգնության իրավունքը դիտարկել 2011 թվականի փետրվարի 11-ի դրությամբ, իսկ 2011 թվականի մարտ ամսվա ընտանեկան նպաստի և հրատապ օգնության վճարման ցուցակները կազմելիս ընտանեկան նպաստի և հրատապ օգնության իրավունքը դիտարկել 2011 թվականի մարտի 11-ի դրությամբ:

5. Հայաստանի Հանրապետության քաղաքաշինության նախարարին՝ սույն որոշումն ուժի մեջ մտնելուց հետո տասնօրյա ժամկետում Հայաստանի Հանրապետության աշխատանքի և սոցիալական հարցերի նախարարին տրամադրել երկրաշարժի հետևանքով քանդված շինությունների հասցեների ցանկը:

6. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀՀ աշխատանքի և սոցիալական հարցերի նախարար

Արթուր Գրիգորյան

**ՏԵՂԵԿԱՆՔ-ՀԻՄՆԱՎՈՐՈՒՄ**  
**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻ ՇԱՐՔ ՈՐՈՇՈՒՄՆԵՐՈՒՄ**  
**ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ**  
**ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ**

ՀՀ կառավարության 23.12.2010թ. N 1763-Ն որոշման դրույթներով սահմանվել է ընտանիքների անապահովության գնահատման համակարգում հաշվառման (փաստագրման) ժամանակ փաստաթղթերի ներկայացման նոր կարգ, որի համաձայն՝ համակարգում հաշվառման (փաստագրման) համար անհրաժեշտ տեղեկատվությունը տրամադրվելու է ոստիկանության բնակչության տեղական ռեգիստրը վարող տարածքային մարմնի, ՀՀ ԿԱ անշարժ գույքի կադաստրի պետական կոմիտեի տարածքային ստորաբաժանումների, ինչպես նաև համայնքի անասնաբույժերի կողմից:

Նախարարությունում բնակչության (նաև ՍԾՏՄ-ների) կողմից ստացվել են ահազանգեր ընտանիքների անապահովության գնահատման համակարգում հաշվառման (փաստագրման) աշխատանքների՝ մասնավորապես անհրաժեշտ տեղեկանքների տրամադրման գործընթացում առաջացած խնդիրների կապակցությամբ:

2010 թվականի հունվար ամսվա ընթացքում ընտանիքների անապահովության գնահատման համակարգում հաշվառվել էր շուրջ **11500** ընտանիք, որոնք՝ համաձայն «Պետական նպաստների մասին» ՀՀ օրենքի պետք է կրկին փաստագրվեին (պարտադիր պայման է՝ դիմելու ամսվան հաջորդող 12-րդ ամսվա ընթացքում ընտանիքների անապահովության գնահատման համակարգում կրկին հաշվառվելու համար անհրաժեշտ բոլոր փաստաթղթերը ներկայացնելը) 2011 թվականի հունվար ամսվա ընթացքում: 2011 թվականի հունվարի 31-ի դրությամբ փաստագրված ընտանիքների թիվը կազմում է շուրջ **1600** ընտանիք, ինչը նշանակում է, որ 2011 թվականի փետրվար ամսվա համար նպաստառու ընտանիքների թիվը կնվազի ավելի քան **8000** ընտանիքով՝ հնարավոր բացասական հետևանքներով:

Վերոհիշյալը ՀՀ փոխվարչապետի մոտ քննարկվել է 26.01.2011թ. և 31.01.2011թ. կայացած խորհրդակցությունների ընթացքում՝ շահագրիռ բոլոր կողմերի մասնակցությամբ, և հանձնարարվել է առավել սեղմ ժամկետներում ՀՀ կառավարության քննարկմանը ներկայացնել ՀՀ կառավարության որոշման նախագիծ, որի ընդունմամբ հնարավորինս կլուծվեն առաջացած խնդիրները:

Ելնելով վերոհիշյալից, ինչպես նաև սոցիալական հնարավոր լարվածությունը մեղմելու նպատակով ՀՀ կառավարության քննարկմանն է ներկայացվում «ՀՀ կառավարության մի շարք որոշումներում փոփոխություններ և լրացումներ կատարելու մասին» ՀՀ կառավարության որոշման նախագիծ, որով հնարավորինս հստակեցվում են տեղեկանքների տրման գործընթացները կամ սահմանում խնդրի լուծման այլընտրանքային մեխանիզմներ:

Միաժամանակ 2011 թվականի հունվար և փետրվար ամիսների փաստագրվող ընտանիքների համար փաստագրման ժամկետները հետաձգվում են մինչև՝ համապատասխանաբար 2011 թվականի փետրվարի 11-ը և մարտի 11-ը:

ՀՀ աշխատանքի և սոցիալական հարցերի նախարար

Արթուր Գրիգորյան

## ՏԵՂԵԿԱՆՔ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻ ՇԱՐՔ ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԴԵՊՔՈՒՄ ՊԵՏԱԿԱՆ ԲՅՈՒՋԵՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԱՎԵԼԱՑՄԱՆ ԿԱՄ ՆՎԱՋԵՑՄԱՆ ԲԱՑԱԿԱՅՈՒԹՅԱՆ ՄԱՍԻՆ**

Հայաստանի Հանրապետության կառավարության «Հայաստանի Հանրապետության կառավարության մի շարք որոշումներում փոփոխություններ և լրացումներ կատարելու մասին» որոշման նախագծի (այսուհետ՝ որոշման նախագիծ) ընդունմամբ ՀՀ պետական բյուջեում ծախքի կամ եկամուտների ավելացում կամ նվազեցում չի նախատեսվում:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻ ՇԱՐՔ ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԿԱՄ ՓՈՓՈԽՈՒԹՅՈՒՆՆԵՐԻ ԿԱՏԱՐՄԱՆ ԱՆՀՐԱԺԵՇՏՈՒԹՅԱՆ ԲԱՑԱԿԱՅՈՒԹՅԱՆ ՄԱՍԻՆ**

Հայաստանի Հանրապետության կառավարության «Հայաստանի Հանրապետության կառավարության մի շարք որոշումներում փոփոխություններ և լրացումներ կատարելու մասին» որոշման նախագծի ընդունման առնչությամբ այլ իրավական ակտերի ընդունման կամ փոփոխությունների կատարման անհրաժեշտություն չկա:

ՀՀ աշխատանքի և սոցիալական հարցերի նախարար

Արթուր Գրիգորյան